

Dvije Bosanke u finalu Googleovog prestižnog takmicenja Science Fair 2015

Aug 05, 2015

Google je objavio imena finalista iz cijelog svijeta koji ce se takmiciti za glavnu nagradu prestižnog takmicenja Science Fair 2015 koje za cilj ima pronaci pametne mlade umove koji žele promijeniti svijet.

Takmicenje podržavaju LEGO Education, National Geographic, Scientific American i Virgin Galactic.

Prijavilo se hiljade mladih, od kojih je sada izabrano samo njih 20 za veliko finale. Bosna i Hercegovina ima svoje dvije predstavnice koje su uz takmicare iz SAD-a, Kanade, Singapura, Tajvana, Francuske, Indije, Litvanije i Rusije uspjele da se izbore za svoje mjesto u finalima.

Rijec je o 18-godišnjoj Aneli Arifi i 17-godišnjoj Ildi Ismaili koje su se bavile rješenjem problema proizvodnje biodizela. Na projektu rade dvije godine.

"Naš projekat je baziran na sistemu od dva reaktora za proizvodnju hidrogen-materijala za skladištenje i biodizela od perja pilica. Kada je testiran, karbonizirano pilece perje pokazalo je dobre karakteristike za skladištenje hidrogena i biodizel je pokazao dobar kvalitet. Ukoliko bi se koristio, imali bismo čistije okruženje, bolji kvalitet goriva i zdraviju buducnost", rekle su simpatične Bosanke koje pohađaju Medjunarodnu srednju školu u Tuzli.

Svi projekti prijavljeni na Science Fair 2015 imaju zadatak da riješe izazove u svijetu. Neki su vezani za vodu, dok su drugi tražili rješenje za ebolu.

Finalisti ce predstaviti svoje projekte 21. septembra u Googleovom kampusu Mountain Viewu pred naucnicima.

Pobjednik ce dobiti nagradu od 50.000 dolara stipendije, a tu su i brojne druge nagrade.

International Burch University | www.ibu.edu.ba